

而傳付者師當死受者失兩目齋不苦切師當病受者失口
焉太上三一五炁真經云天仙之真有龍胎金液九轉之丹
長生久視有四十年一出之約皆不得背科而妄洩也無仙
籍者不得聞知也若信人賁信金誠素試之無退將法付之
若猶豫猜疑秘而莫與凡有願學正一盟威者上命所司帝
君等授以符籙願學全真仙道金液還丹者太上老君親遺
仙道玉帝紫微授以符籙所以有符籙者復可陞授符籙有
符籙者始得秘受火藥此所以難遇難明也及道成飛昇驗
符籙則歸原職驗符籙則列仙真

道藏輯要

仙佛合宗語錄

西

畢集二
X06

後人之所考證

十問曰鍾離祖仙翁謂仙有五等

詳傳道集中

天仙神仙地仙人仙鬼仙之目世人固皆知之第猶未知何所
修證之異而不同也願聞之答曰仙雖五等而其種則二二種
者何陰神陽神之不同也鬼仙者陰靈之種類也

人死由陽盡而純陰其陰性雖有靈終是純陰之鬼也

天神地人四仙者陽神之種類也

四仙得陽炁之全足爲一根本之所修由淺深不同而證有
大小之異初證人仙進至地仙又進至神仙極于天仙

大修行人

大修者學仙佛正道談仙佛正理持仙佛正戒行仙佛正行者

能採取腎中真精陽炁配合心中本性元神宰運呼吸而爲小周天之火薰蒸補助補得元氣充滿如十六歲童子純陽之體者所謂二八一斤者便是

鉛半斤汞八兩又云上弦八兩下弦半斤

丈六金身者亦是

二八亦是一丈六上句是仙教人所說此句是佛教人所說相同者

道藏輯要

仙佛合宗語錄

書

畢集二
川川一

則亦同天體之純陽矣此鍊精已化成純炁者也

既還爲純炁不復去化生爲精

炁足於下田

下田者乃初在母腹中成胎時元炁所藏之處亦生呼吸之根也故臍與母氣相通出胎時元炁仍在此生呼吸之根亦是此元炁化精由此精返化氣亦在此此理之一定不可罔說者世人妄指人以無炁根之處誤人亦太甚矣

雖不用超脫離下而居中但能守在下田卽是長生不死之果百千萬億歲而名曰人仙

人仙有三種一者是內鍊神炁得金液還丹而成爲天仙之

初工也二者是金石之藥鍊神丹服食得千百歲不死者又或鍊二十四品金石仙丹服食至五七百歲不死者三者是靈芝及諸般草木藥物製成丹丸服食少延其身此則人仙之最下者

人仙者不離於人者也

不離人者由未超出人形色之凡身也有身在凡尙可淫色化形爲精唯內鍊神炁而更不已炁純全不化精精返化炁守在下田炁久固而身亦得其久固所以成人仙者不失人身亦不能離人身

此不過初機小成之果耳

道藏輯要

仙佛合宗語錄

去

畢集二
川上川

大仙之道由于三成卽上關中關初關之所成初關乃鍊精化炁成者故爲小成果

守之則永保長年

顧與發問曰用何保法答曰炁欲動則使之不動而還靜故化精使不化而仍爲炁卽採取烹煉于下田歸其根復其命命長在而載命之身亦長在也

若不守真炁復洩真精則與常人生死無異爲其不列于人猶不異於人也所以云神馳則炁散

神外馳于目則內炁亦外散于目而用視神外馳于耳則內炁亦散於耳而用聽神外馳于淫則內炁隨而散于淫根而

用觸六根之塵皆能令我炁散最危險所當防
精竭則人亡

精由元氣化而爲精爲髓以護人身精有生則炁根旺精髓
竭則炁根無而不能生護人身者已矣故亡道藏妙法蓮華
眞經云魂勞神散氣竭命終亦此意

古云留得陽精決定長生

陳希夷之言

人仙者已有焉地仙者從人仙用工不已進一階級者則精已
化炁採此化炁之丹更而至於服食之者淫根除矣
得成如來馬陰藏相者又云淫根斷者

道藏輯要

仙佛合宗語錄

七

畢集二
川人

出離故界矣無氣絕之生死

身中氣絕而死是分所當死者故佛教人謂之分段生死
能仙行於陸地猶有重濁凡質在故不能離於地者也

楞嚴經云食地中百穀足不離地不服不食是真解脫者
亦不能脫免三災

小三災者水火刀兵也人世間偶遇故小大三災者水火風
也天地陽九六百之劫數災故大

自有呼吸在也何也水災之可以塞呼吸之竅也

氣以呼吸通而生水隨吸而入塞其竅不能呼吸氣斷而死
故水亦爲災

火災之可以燬呼吸之具也

身具存則有喉鼻通呼吸身具燒燬則氣絕不能爲神之所依

刀兵災之可以解呼吸之形也

或刀劍斬斷其形或鎗戟扎穿爲穴而洩氣無以爲神之依能使神炁離而爲二故皆謂之尸解

尸解之說非一或有氣數自絕而死凡夫也小災形神分而尸解者小果也有大修行而能超脫凡形飛昇冲舉在天者真人也氣數盡及三災解脫者尸壞超脫凡形者尸不壞當神形離形之時視其形如生人此尸解也足不青皮不聚者

道藏輯要

仙佛合宗語錄

六

畢集二
川三

尸解也目光不毀無異生人者尸解也白日尸解者是昇仙去非死亡尸解之例也

若不解尸與神炁二終能久行於地此地仙之名不虛也可地行千百歲真實不虛

故太上洞玄靈寶智慧本願大成上品經云立三百善功可得長存地仙居一功不全則災從一始而都失前功矣常有其念在於心督者則是也

善功者是大修行內鍊精炁神之善功三百者大概言之有少壯人身壽相當只消三百功便得地仙者有年大精氣神衰弱者用功宜多於三百或有宜倍於三百者我伍子謂凡

合當用之功俱要全不全者或有魔誘妄念塵緣而間斷其
功則精炁漸散而神氣前功都失或有得功自足止而不復
進修不進則必退亦致都失前功及省悟前非而復修更從
新用功方可再得念在心膂者心在前膂在背卽呼吸升降
一孔玄關乾坤共合成者當從一始自起之時念在于此中
往來而得地仙及其功全而地仙可得亦常念念在于此則
長存不死爲陸地之仙而不失

從斯以進自一個月而至十個月行六周天之火以不息入無
息鍊氣化神炁住矣神全矣是名神仙

白玉蟾云所謂歸性根太始及未生之已從前是也斯實係

道藏輯要

仙佛合宗語錄

九

畢集二
X〇三

地仙向上進修用十月大周天之火候炁入定化神定以趨
神仙者也我以不息而至息自無息故二炁俱住而呼吸無
神全大覺而無昏睡此所以無呼吸之神方可作无形骸之
神出定爲神通無礙之神仙

以無呼吸之氣而入水不溺又名曰水仙

有呼吸水隨氣入而溺則尸解非形神俱妙者無呼吸者謂
之形妙神全者謂之神妙唯形神俱妙者方得入水不溺水
故不能溺神

但神仙者亦不離於神者也

神而知有神離炁守定一箇神故曰不離乎神若神不有其

神則神還虛合道

由中田以證果後天呼吸之氣已無先天真陽之炁盡化久守之於中而不超於上田卽昔之藍養素胎神十月已成而不能出者之類也

不能出者因不知出神之景景到而不出亦不知出神之仙機故不令神出

亦所謂壽同天地一愚夫之類也

愚夫者帶重濁之形爲碍不能神通變化如愚夫但不死可壽同天地也

於此之火足神全神炁大定則出陽神

道藏輯要

仙佛合宗語錄

干

畢集二
川川三

顧與崧問曰神炁大定出陽神者願聞所以然答曰神初不能定依二炁以爲定炁定則神隨之得定炁定則無神離所依而獨立乃能離宅舍之身而出定顯陽神故出神必由大定後若不到大定神正要依靠不能離炁又焉能離身形故禪宗人心依息以息喻拄杖子乃依之以行者

出神矣則爲神通變化

出神後則神虛空無碍故能變化未出神則身形爲碍不能變化

鍊其能變化之神而還虛合道則曰天仙天仙者體同天之清虛德同天之空洞無極

重陽仙氣云意同天心爲天仙

不局命於西天東天

西天者天之西一方東天者天之東一方徧小功行所證局促之意

超越於三十二天三界上之上

仙家言二十八天爲三界更上有四種民天共三十二天也言欲界六天與佛說同言色界十八天與佛說同而佛多五不還天在色頂也無色界四天與佛說四空天同佛于色界內頂多五不還仙于無色界外多四種民天仙名三十二佛名三十三而止此二教經文之大同小異也

道藏輯要

仙佛合宗語錄

三

畢集二
川上川

與天地齊其悠久不可以年劫計此世尊所以名爲第七仙者卽此也

世尊在七佛中成佛於賢劫之初不曰七佛而曰七仙見華嚴經

則仙亦同佛佛亦同仙超過陰陽天地雖天地有形壞這個性靈不壞則仙佛之至矣極矣無以復加者也此人仙地仙神仙天仙爲一陽神之所證也他如不知真精陽炁亦不知真周天伏鍊者徒然祇借喻○者之爲用

凡遇○當實讀作圈點二字凡遇單○卽讀圈字凡遇單、卽讀點字合宗佛語同此古仙古佛禪宗皆同此

所修者一性之陰而已所謂未鍊還丹而內觀照者是也性雖寂靜而不動於妄當下真空不起念作輪迴種子不隨境入輪迴窠臼出得陰神於此稟形悉盡只此一死不來人世再受生死久爲靈鬼一向沉空滯寂去便爲真寂禪宗之所極證謂之得生淨土

淨土者喻心靜而無染塵妄

不受後有者

後有者後劫之有身

不輪于六道不隸於死生之籍故曰鬼仙

重陽仙翁亦云不持戒不殺生不思善爲鬼仙之類又昔有

道藏輯要

仙佛合宗語錄

三

畢集二

靈鬼自歌曰做鬼經今四十秋無煩無惱也無愁閻王勸我爲人去只恐爲人不到頭卽此類也又六祖盧能曰不思善不思惡亦似此

楞嚴經之所謂十種仙之行外道四禪得五神通者皆不出此類也在地者猶隸於五岳能飛行近霄者卽同於生天在天者亦曰天人天人者猶稱天上之民人

無道行有生死及死後生靈之性在天由於行十善十善全者多者生于欲界上半第四五六天十善不全者生于欲界下半第一二三天也

雖隸於天曹不能合天道以行天道也

天道者梵行清淨道行精真能煉精化炁化神還虛而合道者是也不行天道則無六道十通止爲凡民凡人而已卽楞嚴經云彼天上各各天人是凡夫業果不知菩提涅槃正法但修十善祇得凡夫善業之果非道行也

天王卽是菩提

天王者是一天之帝王管轄天人及下世人者有功德道行得禪定之神者由初在下世得禪定以證天王在天王又能常禪定故能滿天壽而不墮如世尊爲兜率天王稱爲護明菩薩是也唯菩薩有大智慧故得受天王之位若凡夫之愚道藏輯要

仙佛合宗語錄

三

畢集二

故不證天王也

斯言之謂也有時下生於人世

言天人無道行有淫欲倘姪念一起卽降生於人道

亦不能終天地於鬼者

終天地者有欲界六等之壽有色界天十八等之壽無色界有四等之壽三界二十八等多少壽數不同唯天王有禪定能以滿其天壽滿壽則功德漸高漸陞遷至上天終天地同壽天地劫壞則隨壞故曰終天地

卽教中之言生天生人者之天人由入門之不正真無陽炁治漏盡道不足以終天地者也是其分量之所自限

分量者是其所修功行止能于如此

非造化之所限此卽釋迦所師之阿私陀佛仙及所參所見之跋伽仙阿羅邏仙迦蘭仙者

此三人皆世尊初出王宮時所參修生天人果者世尊知其天福盡而還可墮落六趣故棄之而別參

皆參四禪五神通之流習外道定者

外道種類有三一者是行邪淫叛戒律偏行世法中不善之事自以爲是而不依正法不顧生爲魔民死墮無間也二者是專行邪法依傍正門爲名卽所謂陰爲不善陽欲揜之之小人竊取衣食誑騙財物爲志而已也三者是正法中人心

道藏輯要

仙佛合宗語錄

卷

畢集二

願行正但着有爲初基粗迹便志得意滿誇能說會不了心悟性寂滅真空亦是依傍上乘爲名也今此三人只修小因小果爲劫運中之受用而已耳世尊已自天壽盡而復下生欲學超劫運者故亦棄此

命終生天不足爲仙者也

命有終而死而生則非仙也

又有一等在世之人不爭名利

自知無本故不爭利無能故不爭名

不事繁華

自知無財不可爲悅雖有小財不知施爲

不羣人世

昧于倫理者不能羣懶于倫理者不能羣遊于倫理者不能羣狂愚者不能同世人柔懦者不能任世事

隱處深山窮谷而亦自謂之仙以所居爲名山也夫人山二字以爲仙乃五等之外仙乎猶有不能枚舉者而皆自謂之仙卽如室羅城之迦毘羅仙斫迦羅仙爲大幻師

幻師者乃設虛幻之術而非仙佛之眞修實證

求太陰精和幻藥者西方人雖謂之仙焉可順從而以仙混稱之妄謂最上仙亦止乎如此耳後之學者幸毋見此不仙而名仙者遂輕視天仙等焉得箇眞知實辯則亦可爲羨慕而進者

道藏輯要

仙佛合宗語錄

卷

畢集二

否則多岐並列將以何者爲我當行之道乎

辨得仙眞則修行趨向始得眞

十一問曰今語仙佛所修果同一法未知古來曾如是說否後世抑有知者否答曰有唯仙佛能知仙佛若非仙佛則不知不說也予畧舉世尊之所自言者令汝徵之法華經云昔者仙人授佛妙法如來因之遂致成佛此佛自言得度於仙者也又經云佛聞帝釋說法而悟最上乘妙道此佛自言得悟于帝釋帝釋者釋教人指爲三十三天之天帝又指謂治世間分判善惡救拔眾生之玉帝也

悟于聞法處卽師寶法寶也佛自不叛所聞處存其所聞所